

ODLUKA

**O PRIHVAĆANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I MEĐUNARODNE BANKE ZA OBNOVU I
RAZVOJ (IBRD) ZA DRUGI PROJEKAT PODRŠKE ZAPOŠLJAVANJA**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma održanoj 22.04.2024.godine i na sjednici Doma naroda održanoj 12.06.2024.godine, d o n i o

ODLUKU

O PRIHVACANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA DRUGI PROJEKAT PODRŠKE ZAPOŠLJAVANJA

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu (u daljem tekstu: Sporazum) između Bosne i Hercegovine (u daljem tekstu: BiH) i Svjetske banke - Međunarodne banke za obnovu i razvoj (u daljem tekstu: IBRD) u ukupnom iznosu do 39.000.000,00 eur odobrenih sredstava za Bosnu i Hercegovinu, od čega 25.000.000,00 eur se alocira na Federaciju za Projekat podrške zapošljavanja.

II.

Sredstva zajma iz tačke I. ove Odluke namijenjena su za pružanje povećanja zaposlenosti u privatnom sektoru ciljnih grupa prijavljenih tražilaca posla. Projekat će to ostvariti finansiranjem niza aktivnih mjera tržišta rada, pružanjem podrške za jačanje posredovanja pri zapošljavanju i modernizacijom praksi monitoringa i evaluacije kao i pokrivanje izdataka izazvanih naglim porastom novoprijavljenih nezaposlenih osoba u vrijeme pandemije.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- rok otplate (uključen grace period).....32 godine,
- grace period.....7 godina,
- početna naknada.....0,25 % godišnje,
- naknada za održavanje zajma.....0,25% godišnje,
- kamatna stopa.....LIBOR (za euro) + varijabilni spread,
- dospijeća.....polugodišnja,
- datumi plaćanja glavnice i kamata15. januar i 15. juli svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Nacrt Sporazuma o zajmu između Bosne i Hercegovine i IBRD-a;
- Nacrt Projektnog sporazuma između IBRD-a i Federacije BiH;
- Nacrt Dokumenta o procjeni projekta.

V.

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

VI.

Za realizaciju ove Odluke i izvještavanje zadužuje se Federalno ministarstvo finansija.

VII.

Implementacija Sporazuma iz tačke I. ove Odluke zahtijeva donošenje novih propisa koji uređuju bankarski sektor u Federaciji BiH uključujući i Razvojnu banku Federacije BiH.

VIII.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF BIH, broj:01,02-11-1063/23
Sarajevo, 12.06.2024.godine

PREDSJEDAVALJUĆI
DOMA NARODA
PARLAMENTA FEDERACIJE BIH

Tomislav Martinović

PREDSJEDAVALJUĆI
PREDSTAVNIČKOG DOMA
PARLAMENTA FEDERACIJE BIH

Dragan Mioković